

Öreigar og kúgaðar þjóðir heims sameinist!

# Stéttabaráttan



Ert þú  
áskrifandi  
að viku-  
blaði  
verkafólks?

Málagn Kommúnistaflokks Íslands/Marxista-Lénínista

10. tölublað

Þriðjudagur 7. mars 1978

7. árgangur

Verð kr. 80.-

## 8. mars - alþjóðlegur baráttudagur verkakvenna

8. mars var gerður að alþjóðlegum baráttudegi á ráðstefnu sem haldin var af róttækum konum í Kaupmannahöfn árið 1910. Frumkvæðið að því átti hin fræga baráttukona og kommúnisti Klara Zetkin.

Hann var valinn vegna þess að 1848 fóru verkakonur í fyrsta sinn í verkfall. Til dæmis fóru rússneskar verkakonur í verkfall í Pétursborg 8. mars 1917

og hafði það mikil áhrif á gang mála þar.

Baráttudagurinn 8. mars á sér þannig langa og víðburðaríka sögu. Nú á síðustu árum hefur svo nýtt líf fæst í þessa baráttu-hefð fyrir frumkvæði Rauðsokka og annarra róttækra kvennahreyfinga.

Hér á landi hefur lítið farið fyrir 8. mars sem baráttudegi, þó hafa M. F. Í. K. og kvenfélag sósíalista haft

fundi á eða kringum 8. mars um langa hrifð. KSML tók daginn upp 1975 og í fyrra hélt Kommúnistaflokkur Íslands daginn hátíðlegan og Rauðsokkur tóku daginn upp sem baráttudag. Aðrir hafa hins vegar haft hægt um sig á 8. mars.

Eru verkakonur á Íslandi þá svo vel settar að það sé tilhlýðilegt að sitja með hendur í skauti á baráttudegi þeirra eða hvað?

Framhald á síðu 3



## Efling samstöðunnar gegn auðvaldinu

Ef brjóta á á bak aftur ólög ríkisvaldsins er ljóst að beita verður mun kröftugri og skipulegri aðgerðum en þeim sem beitt hefur verið nú undanfarið. Þar verður að nást víðtækari samstaða heldur en náðist í tveggja daga allsherjarverkfallið, því ljóst er að grundvöllur er fyrir slíkri samstöðu ef rétt og vel er staðið að málum.

Vegna þess hve tveggja daga allsherjarverkfallið var illa skipulagt og nær algerlega miðstýrt ofan frá, þá varð það til þess að möguleiki skapadist fyrir auðvaldið að reka fleg inn í raðir launafólks.

Mikill meiri hluti launafólks

í landinu er fúst til að taka þátt í harðvítugri baráttu gegn ólögum ríkisvaldsins. Þá er það einungis spurningin fyrir okkur, á hvern hátt sé hægt að virkja þennan fjölda til baráttunnar í órofa samstöðu.

Ef árangur á að nást í þessari baráttu verður að skapast eining á stéttargrundvelli og slík eining getur aðeins orðið við það að hver einstaklingur sé virkur og meðvitaður gerandi baráttunnar.

Pegar lítið er um hönd og aðdragandi tveggja daga allsherjarverkfallsins er skoðaður, þá kemur ýmislegt í ljós sem vert er að læra af.

Ákvörðunartekni að því að

lagt yrði út í þetta verkfall var einungis í höndum fárra forystumanna verkalyðshreyfingarinnar. Þetta varð til þess að fjölmargir, sem annars hefðu tekið fullan þátt í baráttunni, fannst þeir vera stilltir upp við vegg án þess að fá sjálfir nokkru að ráða um aðgerðir. Sérstaklega varð þessa vart hjá starfsfólki BSRB sem varð áþreifanlega vart við þann mun sem var á þessum aðgerðum og þeim verkfallsaðgerðum sem BSRB stóð fyrir í haust. Það verkfall var til söma, hvað varðar lýðræðisleg vinnubrögð og virkni almennra félaga.

Aður en lagt var út í verkfall gegn ólögnum átti að halda félagsfundi í öllum aðildarfélögum, þar sem almennum félagsmönnum gæfist kostur á að ráða sínum málum og taka um þau ákvarðanir í félagi. Þó svo slíkt hefði kostað það að verkfallið hefði ekki hafist fyrr en nokkrum dögum seinna, er víst að þátttakendur hefðu orðið mun fleirri og baráttustaðan sterkari á eftir.

En þrátt fyrir það hvernig fljótfærnislega var staðið að verkfallinu þá náðist um það mjög víðtæk samstaða. Þetta verkfall var mjög mikilyægt að því leiti að þarna snérist um 30.000 vinnandi menn í þjóðfélaginu gegn alræðislög-

gjafarvaldi auðstéttarinnar.

Enginn sem þátt tók í verkfallinu né aðrir vinnandi menn sem stóðu utan við, skulu láta hinn sjúklega áróður fjölmíðla borgarastéttarinnar um að brotin hafi verið "lög" og "vegið að lýðræðinu", blekkja siðferðisvitund sína.

Lögin í auðvaldsþjóðfélagi eru lög auðvaldsins. Það eru lög sem vernda einkaeignina á framleiðslutækjunum og rétt eins manns til að stela afurð af annars vinnu. Löggjafarvaldið er tæki í höndum yfirstéttarinnar sem kúgar vinnandi fjöldann.

Þess vegna er áróður Morgunblaðsins, Tímans, Vísis o. fl. um sín borgaralegu lög og sitt borgaralega lýðræði, aðeins blekking sem varast verður að nái að sundra samstöðu launafólks.

Sú staðreynd hlýtur að liggja hverjum manni í augum uppi, að auðvaldið semur lögin, túlkar þau og dæmir eftir þeim algerlega eftir því hvernig því hentar. Dæmi um þetta eru fjölmörg en eitt er þó skýrast það er þegar auðvaldið bannar fjöldasamtök alþýðunnar. Slíkt hefur íslenska

auðvaldið ekki talið sér nauðsynlegt nú í mörg ár en eftir nýjustu reynslu er það þó til alls líklegt.

Auðstéttin ætlar sér alræðisvald yfir lögum í þjóðfélaginu og hún ætlar til þess að vinnandi fjöldinn beygi sig í duftið fyrir lögum hennar. Hún ætlar lögnum að þjóna sér þ.e. minnihlutunum í þjóðfélaginu og það er einmitt það sem lög-in gera í dag.

Þessu ætlum vér að snúa við þannig að við munum brjóta niður alræðisvald auðstéttarinnar og setja oss lög sem þjóna vinnandi fjöldanum þ.e. meirihlutunum.

Kosningaráróðurinn fældi menn frá þátttöku í verkfallinu

Kommúnistaflokkur Íslands ML er fyllilega hlynntur því að kjósendur snúi baki við stjórnarflokkinum Sjálfstæðisflokknum og Framsóknarflokknum í komandi kosningum. Hann telur það einmitt mjög mikilyægt að svo verði

Framhald á síðu 3



Frá útifundi verkalyðsfélaganna á Lækjartorgi 1. mars - Launafólk - eflum samstöðuna er þá náðist!

## Kína í sókn

Úrskýrslu Hua Kua-feng á fimmta þjóðþingi Kína


Í upphafi fimmta þjóðþings Kína flutti Hua Kuo-Feng skýrslu um störf ríkisstjórnarinnar. Í skýrslu sinni benti hann á að síðan á fjórða þjóðþinginu hefur þjóðin gengið í gegnum margar prófaunir harðrar og erfiðrar baráttu hinna tveggja stétta og tveggja lína. Undir leiðsögn Kínverka Kommúnistaflokksins hefur

alþýðunni að lokum tekist að brjóta á bak aftur adnflokksklíku fjórmenningana. Þessi sigur markar endalok fyrstu menningarbyltingarinnar og upphaf nýs tímabils í þróun sósíalísku byltingarinnar og sósíalísku uppbyggingarinnar í Kína.

Hua benti á að meginverkefni alþýðunnar í sósíalísku bylt-

ingunni og sósíalísku uppbyggingunni á hinu nýja tímabili er að feta af einbeintni út línu ellefta flokksþingsins. Í þessu felst m. a. að styrkja alræði öreiganna, dýpka stéttabaráttuna, og baráttuna fyrir aukinni framleiðslu og vísindalegum framförum. Markmiðið er að gera Kína að miklu og öflugu

Framhald á síðu 3



Við byggingu raforkuvers í Kína



## LEIDARI

## 8.mars



Hlutverk flokksins er að skapa fjöldahreyfingu vinnandi kvenna undir forystu kommúnista. Flokkurinn verður að hafa starfandi nefndir eða starfs-einingar sem sjá um að virkja fjölda hinna vinnandi kvenna - koma á sambandi milli þeirra og flokksins með áróðurs- og útbreiðslustarfi. Kommúnistar verða að starfa meðal þeirra hreyfinga sem hafa á stefnuskrá sinni að berjast fyrir bættum kjörum kvenna í auðvaldspjóðfélaginu. Það verður að vera hlutverk okkar að leiða baráttuna á rétta braut. Benda verður á að vandamál kvenna eru í órjúfalegum tengslum við vandamál allrar verkalyðsstéttarinnar. Einnig verðum við að berjast gegn öllum hugmyndum og skoðunum sem skaða eða splundra samstöðu verkalyðsstéttarinnar.

Kommúníska kvennahreyfingin verður að vera fjöldahreyfing, hluti hinnar almennu fjöldahreyfingar - ekki aðeins öreigalyðsins heldur allra arðrændra og kúgaðra sem eru fórnardýr auðvaldsskipulagsins!

Þessi tilvitnun er tekin úr ályktun stofnings Kommúnistaflokks Íslands um stöðu kvenna. Í samræmi við þessa stefnu hafa félagar flokksins starfað að því innan kvennahreyfingarinnar, að hún taki upp kvennabaráttu á grundvelli stéttabaráttu en hafni öllum verkalyðsfjandsamlegum viðhorfum. Í þessari baráttu höfum við að sjálfsögðu tekið höndum saman við önnur framsækin öfl sem starfa á þessum vettvangi.

Höfuðverkefni framsækinnar kvennahreyfingar á Íslandi í dag er að tengjast verkalyðnum fastari böndum. Kvennahreyfingin verður að leita meira samstarfs og samvinnu við verkalyðshreyfinguna. Þar verður kvennahreyfingin að vera framsækið afl, sem hvetur og leiðir verkakonur til skeleggari baráttu fyrir réttindum sínum. Einnig verður að treysta samstöðu verkalyðsins, karla og kvenna. Í því felst að berjast verður gegn öllum femínískum hugmyndum sem stuðla að sundrunu og innri baráttu meðal verkafólks, á kostnað baráttunnar við höfuðandstæðinginn; borgarastéttina.

Kvennabarátta á grundvelli stéttabaráttunnar, þessari stefnu verður íslensk kvennahreyfing að fylgja í dag. Önnur baráttumál svo sem baráttan gegn heimsvaldastefnu eru góðra gjalda verð, en þau eru ekki grundvallaratriði fyrir jafnrétti kynjanna og barátta fyrir því er barátta gegn ranglátu þjóðskipulagi. Allar tilraunir til að leiða athyglina frá þessari staðreynd og að setja kvennabaráttunni önnur óskyld markmið eru sundrandi. Öll óparfa sundrung innan kvennahreyfingarinnar eru auðvaldinu einu í hag. Baráttan fyrir jafnrétti kynjanna er mikilvæg fyrir alla verkalyðsstéttina og liður í sköpun réttlátara þjóðfélags. Því vinnur Kommúnistaflokkurinn að þessu máli af alhug og gagnkvæm áhrif milli flokksins og kvennahreyfingarinnar eru nauðsyn og báðum aðilum til framdráttar.

# Hvers vegna fjöldahreyfing?

Framhald af baksíðu

Rauðsokkahreyfingin þarf að starfa mun markvissar og ná betur til verkakvenna. Nú eru menntakonur í meirihluta innan Rh, en þær þekkja ekki kjör verkakvenna nema af afspurn og eiga því ekki eins gott með að leiða baráttu þeirra eins og verkakonurnar sjálfar.

2.

Verkalýðsmálahópur Rauðsokkahreyfingarinnar stendur á grundvöllinum "Kvennabarátta á grundvelli stéttabaráttu". Hópurinn hefur reynt að tengjast sem mest verkalyðsstéttinni og tekið upp hagsmunamál hennar. Hefur hann staðið að upplýsingaöflun sem hann hefur notað í áróðri fyrir bættum kjörum verkalyðsins og í kring um síðustu kjarasamninga stóð hann fyrir "Opnu húsi" sem var þarft framtæk og tilraun til að auka upplýsingastreymi og virkni í atökunum. Skiptar skoðanir hafa verið innan hópsins um hvert samstarf skuli haft við forustu verkalyðsfélaganna, en stefna hópsins hefur orðið æ harðari gegn stéttasamvinnu stefnunni. Tengsl hópsins við verkalyðinn þyrftu að aukast og háir það nokkuð hópnun hversu femínisminn hefur verið áberandi í áróðri Rauðsokka, t.d. á jafnréttissíðu Þjóðviljans, en hún flytur ekki afstöðu Rauðsokkahreyfingarinnar í heild. Femínismi inn á engann hljómgrunn meðal verkalyðsins og þarf Rauðsokkahreyfingin að efla útgáfustarf sitt til að fólk haldi ekki að hún reki þessa gömlu pólitík ennþá. Verkalýðsmálahópur Rauðsokkahreyfingarinnar telst tvímæla laust vera framsækinn því hann berst fyrir réttindum kvenna á grundvelli verkalyðs stéttarinnar.

3.

Af hverju "samfylkingarstarf" innan gæsalappa? Ef EIK(m-l) ætlar sér í orðaleik um það hvað sé samfylking, þá verður sjálfsagt hægt að snúa út úr svari okkar á 20 vegu.

Rauðsokkahreyfingin er sjálfstæð baráttuhreyfing með sín eigin lög og markmið. Stefna hennar fellur að sjálf-

sögðu ekki í öllu að stefnu Kommúnistaflokksins og stefnu ír flokkurinn heldur ekki að því að svo verði. Fjöldahreyfingum er ætlað að vinna að hagsmunum alþýðunnar og ná til alls þorra hennar. Överulegur hluti alþýðunnar stendur nú á grundvelli marx-lenínismans. Ef okkur tækist við þessar aðstæður að gera eina fjöldahreyfingu algjörlega sammála okkur, þá værum við aðeins að einangra viðkomandi hreyfingu frá öllum þeim fjölda alþýðufólks sem fylgir endurskoðunarsinum, eða jafnvel borgarastéttinni að málum. Að líta svo á að fjöldahreyfing sé þá fyrst orðin samstarfshæf er hún fylgir kommúnistum að málum í öllum grundvallaratriðum, er í raun að líta svo á að samfylking sé ónauðsynleg, en kommúniskur flokkur sé eina baráttutækid.

Það er vandamt að gera bæði málamiðlanir og standa fast á sinni pólitík. Kommúnistar hérlandis sem víðar, hafa fallið í þá gildru að taka samfylkingarpólitík upp sem sína eigin. Það má ekki láta þessa hættu verða til þess að við þorum ekki að taka þátt í samfylkingu af ötta við að útvatna stefnuna, eða að missa andlitið gagnvart stuðningsmönnum fyrir að gera ekki allt að ófrávikjanlegu grundvallaratriði. Það er t.d.

rangt að hafna samstarfi við fólk á þeirri forsendu einni að það sé "endurskoðunarsinnar" eða "trotskyistar". Við störfum með fólki að þeim málum sem við höfum orðið sammála um, jafnvel þótt við séum ósammála einhvers staðar annars staðar. Ef þetta fólk ætlar að svíkja, þá afhjúpum við svik þeirra. Og ef þetta fólk ætlar að taka upp þá stefnu að "verja verkalyðsríkið Sovétríkin með kjafti og klóm gegn öllum árásum" eða "fylkja verkalyðnum undir forystu verkalyðsflokkanna (Alþ. og Alþf.)", þá snúumst við til baráttu gegn þeirri stefnu. Ef við höfnuðum því að starfa í fjöldahreyfingum vegna þess að stór hluti hennar fylgdi trotskyistum eða endurskoðunarsinum að máli, þá tækjum við engann þátt í fjöldahreyfingum, heldur stæðum í

sömu sporum og KSML 74 eða EIK(m-l) nú. Og þá værum við líka að láta endurskoðunarsinna eina um að leiða baráttu fjöldans.

4.

Samstarf við andheimswalda- og kvennabaráttusinna, og um leið barátta gegn endurskoðunarsinnuðum hugmyndum þeirra jafnframt er bráðnauðsynleg fyrir uppbyggingu öflugrar og varanlegrar fjöldahreyfingar á grundvelli stéttabaráttu eða baráttu gegn allri heimsvaldastefnu.

Því til skýringar vísuðum við til þess er fram kemur í öðrum liðum.

5.

Auðvitað starfa félagar Kommúnistaflokksins ekki í óþökk hans innan 8. mars hreyfingarinnar, það er einmitt í stefnu flokksins að starfa innan sérhverrar hreyfingar er berst fyrir málstað alþýðunnar. Slíka baráttu heyr einmitt 8. mars hreyfingin.

En við gagnrýnum þó tvennt í stefnu hreyfingarinnar. Annað er gagnrýni hennar á Rauðsokkahreyfinguna. Mjög nauðsynlegt er að gagnrýna Rh, sérstaklega þá femínísku afstöðu sem þar kemur allt of mikið fram. En þá verður líka gagnrýnin að byggjast á meiri þekkingu, en fram kemur í áróðri 8. mars hreyfingarinnar, svo hún verði ekki vegin og léttvæg fundin. Hitt atriðið sem við gagnrýnum er afstaða 8. mars hr. til Sovétríkjanna. Kvennahreyfing hlýtur að eiga að hafa það markmið að sameina allar alþýðukonur til aukinnar virkni og baráttu fyrir jafnrétti. Í þeim tilgangi verður að afla sem víðtækastrar samstöðu allra þeirra sem berjast vilja fyrir afnámi misrættisins. Þá má ekki vera að hugsa um að halda sér aðgreindum með því að taka upp kröfur sem eiga fátt sem ekkert sameiginlegt með kvennabaráttunni. Í þeim eina tilgangi að útiloka einhverja endurskoðunarsinna. Ekki er það soveska heimsvaldastefnan sem kúgar konur hér á landi. Við vitum að vísu að heimsvaldastefnan, eins og auðvaldið, kúgar konurnar. En að gera það að skilyrði fyrir þátttöku í kvennabaráttunni að vera sér meðvitandi um heimsvaldaðli Sovétríkjanna, er röng taktík.

Vitað er að Eik ml hefur frumkvæði að og forystu fyrir 8.mars hreyfingunni. Er leitt til þess að vita ef hreyfingin verður fórnardýr þeirra stefnu Eik ml sem mótuð var á síðasta þingi þeirra, að aðgreina sig frá öðrum samtökum á vinstri kantinum. Eik ml eru nefnilega á góðri leið með að aðgreina sig á þann hátt að í hvert skipti sem nafn þeirra sé nefnt, segi fólk: "Já, það eru samtökin sem eru svo þrautleiðinleg og einstrengingsleg að það er ekki nokkur leið að starfa með þeim." Það virðist nefnilega vera höfuðmál Eik ml nú að vera þekktir þótt af endemum sé. Væri ekki nær að sýna það og sanna, þótt erfiðara sé, hverjir það séu sem ætíð standa í brjóstvörn alþýðunnar bæði í sókn og í vörn en hvorki svíkja né vörsla með hagsmuni fólksins, né hlaupa heim í fylu þegar þeir fá ekki allt sitt fram.

## Áskrifendur athugið!

|                                                |                  |             |
|------------------------------------------------|------------------|-------------|
| Lausasala kr 80.-                              |                  |             |
| Heilt ár eða 48 tölublöð                       | Baráttuáskrift   | kr. 5.500.- |
| " " " " "                                      | Venjuleg áskrift | kr. 3.500.- |
| Hálft ár eða 24 tölublöð                       | " "              | kr. 2.000.- |
| Erlendis, sent vikulega, 48 töl.               |                  | kr. 7.000p- |
| Erlendis sent hálfsmánaðarlega (2 blöð í einu) |                  | kr. 5.500.- |
| Til öryrkja og aldraðra, heilt ár              |                  | kr. 500.-   |

## HAFIÐ SAMBAND VIÐ KOMMÚNISTAFLOKK ÍSLANDS M-L

● **Miðstjórn og ritstjórn** Stéttabaráttunnar. sími: 27810 og pósthólf 1357, 121R. einnig í Rauðu Stjórnunni bókað. Lindargötu 15. Opíð mánud. -föstud. 15-18, 30

● **Akureyri:** Jón Atli Játvarðsson. Skarðshlíð 30.

● **Hafnarfjörður:** Fjóla Rögnvaldsd. Reykjavíkurvegi 24.

● **Hornafjörður:** Skúli Walderff. Silfurbraut 2.

● **Neskaupstaður:** Messíana Tómasdóttir. Þiljuvöllum 38.

● **Snæfellsnes:** Sigrús Almarsson, Helliðsbraut 10. Helliðsandi, og Gísli Hjaltason, pósthólf 63, Stykkishólmur.

● **Suðurnes:** Einar Jónsson Sólvalda, götu 40c, Keflavík. Vestmannaeyjar: Helga Jónsdóttir. Brekastíg 24 b, sími 98-1273

● **Danmörk:** Magnús Þorgrímsson. Börglum Kollegiet v. 444 Börglumvej 2, 8240 Risskov.

● **Svíþjóð:** Kristján L. Guðlaugsson. Kámpnarsvægen 11 N : 220. 222 46 LUND



# „Með lögum skal...”

## Dufþakur

"Með lögum skal land byggja og öllum eyða! Þessi setning hefur sjálf-sagt glumið í eyrum manna allt frá þeirri stundu, er menn höfu skólagöngu sína. En hvað eru lög og hvað eru ölg? Sú spurning hefur einmitt vaknað í sambandi við kjaraskerðingarfrumvarp ríkisstjórnarinnar og tveggja daga verkfall hinna ýmsu launþegasamtaka. Sýnist þar sitt hverjum eins og vænta mátti.

Þessari spurningu er ekki hægt að svara, án þess að gera sér ofurlitla grein fyrir þjóðskipulaginu í heild og mismunandi aðstöðu þegnanna. Á Íslandi er auðvaldsskipulag, sem gerir það að verkum, að þjóðfélagið er klofið í tvær höfuðstéttir: borgarastétt og verkalyðsstétt. Borgarastéttin ræður yfir framleiðslutækjunum, bankakerfinu, menntakerfinu og hinum ýmsu stofnunum, er heyrir undir ríki og bæ. Verkalyðsstéttin

er sú stétt, sem vinnur við framleiðsluna, skapar verðmætin í þjóðfélaginu og heldur uppi stofnunum ríkisvaldsins með óheyrilegum skattabyrðum, en þiggur í staðinn smáarlaun af hendi atvinnurekandans.

Það gefur auga leið, að löggjafarvaldið er í höndum borgarastéttarinnar, sem semur lögin í þágu sinna eigin hagsmuna, sem eru í grundvallaratriðum andstæðir hagsmunum verkalyðsins og alls vinnandi fólks. Lögin um vísitöluskerðinguna eru eitt ljósasta dæmið um þetta. Gróði atvinnurekenda af framleiðslunni vex eftir því sem kaupði lækkar. Hinn almenni launþegi ber hins vegar þyngstu byrðarnar, þar sem laun hans fyrir vísitöluskerðinguna eru langt frá því að vera mann-sæmandi. Réttlætiskennnd og siðfræði borgarastéttarinnar er af allt öðru sauðahúsi en réttlætiskennnd og siðfræði

verkalyðsstéttarinnar.

Því er það ekki aðalatriðið, hvort tveggja sólarhringa verkfallið 1. og 2. mars hafi verið löglegt eða ekki. Verkalyðsstéttin og öll vinnandi alþýða þessa lands verður að beita sínum lögum, sínum aðferðum, sinni réttlætiskennnd og siðfræði til að hnekkja þeim lögum, sem ríkisvaldið hefur sett á vegna þess að þau skerða verulega hagsmuni alþýðunnar. Og ekki aðeins er þar verið að skerða beina fjárhagslega hagsmuni alþýðufólks, heldur er líka með lögum þessum verið að ráðast á frjálsan samningsrétt verkalyðshreyfingarinnar, réttinn til að semja um kaup og kjör.

Verkalyðshreyfingin er neydd til að beita öllum þeim aðferðum sem duga til að fá þessum lögum hnekk; og þá gildir einu hvort borgarastéttin og ríkisvaldið telja þær aðferðir ólöglegar eða ekki, af þeirri einföldu

ástæðu, að borgarastéttin setur lögin til verndar hagsmunum sínum, sem eru geróflkir hagsmunum verkalyðsstéttarinnar, og afstaða hennar til réttlætis er allt önnur en afstaða verkalyðsins.

Þegar verkalyðsstéttin kemst til valda í sósíalísmunum mun hún að sjálfsögðu setja önnur lög, lög til verndar sínum hagsmunum, og annað réttlæti verður þá ofaná. Hennar fyrsta verkefni verður þá að banna allt arðrán manns. Á manni, en á því lifir og hrærist borgarastéttin. Hún mun einnig færa löggjafar- og framkvæmdavaldið í hendur þess fólks, er vinnur við framleiðsluna og heldur þjóðfélaginu gangandi; í stað þess að nú fer fámenn valdaklíka með þessi völd. Og síðast en ekki síst mun verkalyðsstéttin ákveða kaup sitt sjálf, en ekki fáeinir fjármálajöfrar, sem ekkert sjá nema eigin gróða.

Framhald af forsíðu  
8. MARS - ALÞJÓÐLEGUR  
BARÁTTUDAGUR. ....

Verkakonur á Íslandi gegna lægst launuðu störfunum í þjóðfélaginu. Um það bil 84% kvenna sem vinna úti svokölluð "kvénastörf" sem eru bæði lágt launuð og lítils metin.

Matið á vinnu kvenna er þó fjarska mismunandi eftir því hvernig stendur á hjá atvinnuvegunum. Ef þensla er í atvinnulífínu og mikið að gera er hrópað á konurnar að koma að vinna og bjarga "verðmætunum" en ef lítið er að gera er þeim sagt að snáfa heim að sjá um börn og bú. Verkakonur gegna því hlutverki varavinnuafis og hafa því lítið sem ekkert atvinnuöryggi.

Aðalkröfur verkakvenna og reyndar alls verkafólks hljóta því að vera:

-fulla atvinnu fyrir alla  
-atvinnuöryggi fyrir alla  
-og lífvænleg laun fyrir 8 stunda vinnudag.

Kommúnistaflokkurinn hefur þessi mál á stefnuskrá sinni og flokkurinn skoðar jafnréttisbaráttuna sem óaðskiljanlegan þátt stéttabaráttunnar fyrir nýju samfélagi þar sem arðrán og hvers konar kúgun verður afnumin og jöfnuður ríki.

Framhald af forsíðu  
KÍNA Í SÖKN. ....

sósíalísku ríki með nútíma landbúnaði, iðnaði, þjóðlegum vörnum, vísindum og tækni. fyrir næstu aldamót. Í skýrslu sinni rakti Hua Kuo-Feng hel stu leiðir sem fara þarf til að gera hina nýju áætlun um efnahagslega uppbyggingu Kína að veruleika. Í þessu sambandi benti hann á mikilvægi þess að virkja alla þjóðina til baráttu. Vinnandi alþýða verður að tileinka sér nýjungar í tækni og vísindum þannig að innan tíðar eigi Kína heilan her velmenntaðra verkamanna.

Hua áréttaði enn einu sinni mikilvægi kenningar Mao formanna um þrjá heima fyrir baráttu alþýðu allra landa gegn drottunarstefnu risaveldanna USSR og USA. Hua varaði við síaukinni hættu sem stafar frá sovésku sósíal heimsvaldastefnunni og hvatti til andheimsvaldasinnaðs bandalags undir forystu þriðja heimsins.

Í lok skýrslu sinnar mælti Hua Kuo-Feng á þessa leið: "Hinn mikli fani Mao formanns er fani sameiningar í baráttu og stöðugri byltingu alþýðu allra þjóða í landi okkar. Yfir hálfa öld hefur þessi fani leitt okkur fram úr erfiðleikum og hjálpað okkur til að vinna hvern stórsigurinn eftir annan. Á komaandi árum mun fani Mao formanns leiða okkur til frekari sigra yfir stéttaróvinum og hjálpa okkur að yfirstíga hvers konar erfiðleika og þrekraunir, vinna þrekvirkir og framfarir í þágu mannkynsins!"

Stéttabaráttan óskar kinnversku þjóðinni til hamingju með þetta fimmta þing sitt um leið og blaðið óskar henni góðs gengis á hinu nýja tíma-bili sósíalísku uppbyggingarinnar í Kína. Af tilefni þingsins hefur KFI/ML einnig sent kveðjur og munu þær væntanlega byrtast í næsta blaði.



Framhald af forsíðu

## Efling samstöðunnar gegn auðvaldinu

og ekki einungis í kosningunum heldur almennt allsstaðar.

En til þess að svo verði þá verður með ódrepani elju að öðlast traust þess fólks innan raða alþýðunnar sem í ómeðvitund sinni kys borgaraflokkana og vinna það til fylgis við baráttuna fyrir sósíalísmunum.

Innan þeirra fjölmenntu samtaka sem þátt tóku í allsherjarverkföllinu, er mikið af fólki sem hefur kosið borgaraflokkana. En þetta sama fólk er að fullu og öllu á móti ölgum um ríkisvaldsins. Þetta er staðreynd sem er mjög mikilvægt að sé meðhöndluð á réttan hátt.

Er þetta fólk tilbúið að afneita heildarstefnu þeirra flokka sem mynda ríkisstjórn og það hefur kosið yfir sig, þó svo það sé á móti ölgunum? Er það yfir höfuð búið að snúa baki við þessum flokkum? Svárið við báðum spurningunum er nei.

Þess vegna var rangt að reka áróður eins og margir framámenn í verkalyðsforystu ráku, að baráttan gegn ölgunum færi fram á tveimur stöðum þ.e. með verkföllum og í kjörklefanum. Þessi áróður um kjörklefana varð til þess að sundra samstöðu launafólks meir en ekki og hann á rætur sínar að rekja til pólitíkusa sem setja hagsmuni síns stjórnmalaflokks ofar hagsmunum alþýðunnar.

Það sem mikilvægast var og er, er að samfylkja öllu launafólki til baráttu gegn ölgunum og þá auðvitað samfara því til baráttu gegn borgaraflokkunum. Þannig hefði náðst mun víðtækari eining meðal alþýðunnar og fólk ur öllum stjórnmalaflokkum landsins hefði barist hlið við hlið gegn ríkisvaldinu og ölgum þess.

Þess háttar barátta þ.e. fjöldabaráttan er sú sem nær árangri og er hlið mikilvæga fyrir alþýðuna. Hitt aftur á móti hvaða metorðastritarar verma þingsætin eftir kosningar er minniháttaratriði.

Herðum baráttuna gegn ölgunum

Sú baráttuaðferð ýmissa verkalyðsfélaga að auglýsa kaupaxta sem félagsmenn vinni undir, er hárrétt.

Slíkur samningur er í raun ekkert annað en tímabundin málamiðlun gagnstæðra stétta.

Hann hefði hvort eð er runnið út á sínum tíma, við ólíkar aðstæður. En stöðugt meðan til eru stéttaandstæður kemur



Sameiginlegur fundur kennara á Reykjavíkursvæðinu sem haldinn var til að ræða fyrirhugaðar aðgerðir gegn árásum ríkisvaldsins á gerða samninga. Þessi fundur er fyrsti sameinaði fundur allra kennara á þessu svæði. Þar var einróma samþykkt að hvetja til tveggja daga verkfalls og mikill hugur í mönnum um að brjóta á bak aftur ölginn.

Borgi atvinnurekendur ekki þessa kaupaxta félaganna, sem í þessu tilviki eru umsamdir, verður að beita þá hörðustu verkfallsaðgerðum sem völ er á. Sama er að segja um hvers konar refsiaðgerðir sem ríkisvald atvinnurekendanna grípur til eða hyggst grípa til. Þeim verður að mæta með hörðustu gagnaðgerðum sem sameinuð verkalyðshreyfingin hefur yfir að ráða. Hafa ber í huga að þessi barátta var hafin með árás ríkisvalds atvinnurekenda á samning sem launafólkið hefur gert við auðvaldið um kaup og kjör.

baráttan milli þeirra upp og eftir ólíkustu leiðum. Þessa sífældu baráttu verður verkalyðurinn og önnur vinnandi alþýða að leiða til lykta.

Auðstéttin hefur nú sýnt að hún vill harðnandi og skarpari stéttabaráttu. Það sýndi hún með því að þverbrjóta málamiðlunina við alþýðuna og nú talar hún einnig um endurskoðun á vinnulöggjöfinni.

Slík endurskoðun er án efa skerðing á lýðrættindum í þjóðfélaginu.

Öllum þessum árásum auðstéttarinnar, sem og öðrum, verður vinnandi fólk að svara með baráttueiningu og af full-

ri hörku. Snúum nú árangurslítili varnarbaráttu upp í sóknarbaráttu.







Öreigar og kúgaðar þjóðir heims sameinist!  
**Stéttabaráttan**  
Útg: Kommúnistaflokkur Íslands m-l,  
Þriðjudagur 7. mars 1978



STÉTTABARÁTTAN  
- kemur út vikulega -  
Sími: 27810.  
Gíró: 27810-6.

Abyrgðarm: Sigurður  
Ingi Andrésson.

Sigurður Jón Ólafsson  
Óðinsgötu 178  
101 R

## Félagsblaðið Dagsbrún: Eingöngu fyrir forystuna

Nú laust eftir hina ógildu framboðstilraun nokkurra Dagsbrúnarverkamanna, gaf stjórn félagsins út langþráð félagsblað. Sem kunnugt er af skrifum Stéttabaráttunnar, hefur útgáfa félagsblaðs í Dagsbrún verið eitt af helstu baráttumálefnum stéttvísra verkamanna.

Haustið 1976 var t.d. samþykkt á fjölmönnum fundi í félaginu að gefið yrði út félagsblaðið Dagsbrún, og yrði það opið öllum verkamönnum til tilskrifta. En nú þegar langt er liðið á tvö ár frá þessari samþykkt, er hálfur sigur unninn, blaðið hefur litið dagsins ljós. Þó er á því einn galli enginn utan stjórnar Dags-

brúnar fékk tækifæri á því að skrifa í blaðið. Viðtöl eru við Eðvarð og Guðmund og þriðja starfsmann Dagsbrúnar til, um ýmis málefni verkalyðshreyfingarinnar auk áhugaverðrar greinar eftir formann félagsins. Þar rekur hann tilraunir nokkurra verkamanna til að bjóða fram lista gegn núverandi stjórn, nú laust eftir áramótin. Öll er greinin á einn veg, lofgjörf um lýðræði og lögheldni núverandi kjörstjórnar og stjórnar félagsins. Í enda greinina er svo klikkt út með því að forsprakkar framboðsins þeir Sigurður Jón Ólafsson og Benedikt Kristjánsson tilheyrir sértrúarsöfnuði er kenni sig við Marx og Lenin.

Einhverntíma hér áður fyrr hefði Eðvarð Sigurðsson verið stoltur yfir slíkum árásum er hann ungur maður var að berjast við hlið félaga sinna í gamla Kommúnistaflokk Íslands gegn Alþýðuflokkskrötum í verkalyðshreyfingunni. En formaður Dagsbrúnar styður sig ekki við róttækasta hluta verkalyðshreyfingarinnar, heldur beitir kommagrýlunni gegn þeim til að tryggja sér stuðning íhaldsverkamanna. En árásir frá slíkum afturhaldsmönnum sýna aðeins að kommúnistarnir innan verkalyðshreyfingarinnar eru á réttri leið, óvinurinn er farinn að skilja hættuna. Nú í nýafstöðnu verkfalli

var verkamönnum neitað um að fá að birta greinar í félagsblaðinu Dagsbrún og var sú ástæða gefin að okkar skoðanir ættu þangað ekkert erindi.

Afram verður þá um að ræða tvö félagsblöð Dagsbrúnarmanna, stjórnarinnar og þeirra sem berjast fyrir því að gera verkalyðsfélagið

að raunverulegu baráttutæki verkamanna.

Það er augljóst hverjir það eru sem vilja viðhalda klofnungi á meðal verkamanna í félaginu og allir vitum við í hverra þágu slíkur klofnungur er.

Auðvaldið getur hrósað happi yfir frammistöðu Eðvarðs Sigurðssonar.

## DAGSBRÚN

28. ARGANGUR - FEBRUAR 1978 - 6. TOLUBLAÐ

**Gengisfelling -  
Visitöluskerðing!  
Visitölufölsun löghelguð!**

Ríkisstjórnin sjálf segir að þetta séu bráðastöfanir. Hvers er þá að vanta

"Dagsbrún", blað stjórnar Dagsbrúnar. Takið eftir að á 28 árum hafa komið út 6 blöð. "Dagsbrúnarverkamáðurinn", málagn andstöðunnar, hefur hins vegar komið 9 sinnum út á 3 árum.

## Fréttatilkynning frá Óslódeild SÍNE

Ósló-deild SÍNE vill benda á eftirfarandi sambandi við fellingu gengis íslensku krónunnar fyrir skömmu síðan:

1. Gengisfelling er í eðli sínu árás á kjör manna, samtímis sem gróði auðstéttarinnar eykst. Við núverandi aðstæður er gengisfellingin tilraun til að velta kreppu auðvaldsins á herðar verkafólks. Að venju skal verkafólk borga hreingeringar í húsi auðvaldsins.

2. Íslenskir námsmenn í Ósló lýsa stuðningi sínum við íslenskan verkalyð í baráttunni gegn kjaraskerðingu og fyrir óskertum rauntekjum.

3. Vegna gengisfellingarinnar skerðast kjör námsmanna heima og erlendis. Fyrir okkur sem dveljumst erlendis tákna gengisfellingin beina lækun framfærslueyris sem nemur gengisfellingunni.

4. Við krefjumst að aðallán námsláns verði umreiknað þannig að íslenskir námsmenn heima og erlendis haldi óskerti óskertum rauntekjum miðað við forsendur eins og þær voru áður en gengið var fellt. Við viljum í þessu sambandi minna á að námslán eru einhver óhagkvæmustu lán sem hægt er að fá á íslenskum lánamarkaði. Við erum því ekki að fara frar fram á neins konar ölmusu.

5. Umreikningur þessi má þó ekki verða til seinkunnar uthlutun námslána.

6. Verði ekki gengið að þessum sjálfsögðu kröfum okkar teljum við okkur hafa fullt frelsi til að mæta þessari kjaraskerðingu með viðeigandi aðgerðum.

OSLO-DEILD SÍNE

ATH!

Nýi opnunartími  
bókabúðarinnar  
Rauðu Stjörnnar  
er 15.30-18.30 daglega.

## Úr Verkalyðsblaðinu

Sjá greinina "Hvers vegna fjöldahreyfing".

### Spurningar til „KFIml“

Vegna skrifta "Stéttabaráttunnar", málgagns "KFI/ML" að undanförmu vill Verkalyðsblaðið spyrja eftirfarandi spurninga:

1. Hvert er mat "KFI/ML" á Rauðsokkum?
2. Telur "KFI/ML" verkalyðsmálhóp Rauðsokka vera framsækinn samfylkingaradila í kvennabaráttunni?
3. Telur "KFI/ML" samstarf sitt við trotskista og ýmsa aðra endurskoðunarsinna í Rauðsokkum (og vísar) vera "samfylkingarstarf"?

1. Telur "KFI/ML" samstarf sitt við þessa aðila mikilvægt en uppbyggjingu öflugrar og vissanlegrar fjöldabaráttuhreyfingar á grundvelli stéttabaráttu og baráttu gegn allri heimsvaldastofnu?

5. Starfa "KFI/ML"-félagar í Samars-hreyfingunni þar í þökk "flokksins", eða af öðrum orsökum?



Síðastliðinn 5. mars voru 25 ár liðin frá láti Jósefs Stalíns. Fullvíst er að enginn maður hvorki fyrr né síðar hefur orðið jafn umdeildur enda hafa fáir menn, ef nokkrir, lifað viðburðaríkari ævi en Stalín á þeim 74 árum sem hann lifði.

Ævisaga Stalíns er saga byltingarmanns sem helgar líf sitt baráttu verkalyðsins gegn þjóðskipulagi auðvaldsins í heild sinni. Hann barðist alla tíð við hlið hins kúgaða og arðrænda manns gegn kúgurunum og arðræningjunum. Hann var skipuleggjandi stéttabaráttu verkalyðsins í öllum hennar birtingarformum t.d. lögleg og ólögleg verkföll, blaðautgáfa, fundahöld og kröfugöngur. Hann tók sjálfur þátt í vopnuðum uppreisnum, byltingartilrauninni 1905 (sem varð nauðsyn-

## Merki Stalíns skal haldið á lofti

legt úrslitaatriði fyrir skólun verkalyðsins), febrúarbyltingunni og októberbyltingunni.

Nafn Stalíns er skráð á spjöld keisaralögreglunnar frá aldamótum og þar er honum lýst sem stórhættulegum byltingarforingja. Sjö sinnum var hann sendur til Síberíu og jafn oft strauk hann þaðan.

Stalín var maður margfróður og víðlesinn, svo menntuðustu spekinga rak í rogastans. Hann fylgdi alla tíð og af festu pólitík bolsevíkaflokksins sem Lenín var leiðandi fyrir og eftir lát Leníns naut hann yfirgnæfandi meirihlutafylgis sem verðugur arftaki hans. Stalín hinn hlédrægi og rósami þípureykingamaður var kosinn formaður Kommúnistaflokks Sovétríkjanna 1924 og gegndi þeirri leiðtogastöðu til dauðadags 5.3.1953.

Undir forystu Stalíns byggði sovéskja þjóðin upp efnahag og framleiðslu síns sósíalíska ríkis og varð það ríki hið eina þar sem kreppunnar miklu gætti ekki nema af afspurn.

Auðvaldsríkin gerðu örvæntingarfullar tilraunir til að brjóta á bak aftur verkalyðs-

ríkið og í þeirri baráttu sinni svífust þau einskis. Um það er nasisminn gleggsta dæmið.

Nasisminn kom upp í öllum auðvaldsríkjum og naut dyggs stuðnings einokunarkapítalistanna, sem einir höfðu hag af honum. Nasisminn var harðasti andstæðingur verkalyðsríkisins og verkalyðshreyfinganna í auðvaldslöndunum.

Í baráttunni gegn fjármála-fáveldinu Nasista-Pýskalandi og stuðningsmönnum þess, stóð sovéskja þjóðin sem einn maður. Hún átti yfirgnæfandi stærsta þáttinn í að yfirbuga nasismann.

Og hvað var þá sovéskja þjóðin að verja? "Einræðisherrann" Stalín. Eða var hún ánægð með sósíalíska skipulagið.

Það ætti enginn að alhæfa neitt um Stalín, hann var maður og gerði mistök en hitt vegur þó stórum þyngra sem hann gerði í þágu vinnandi fjöldans. Munum að með því að nýða Stalín, þá tökum við undir rög borgarastéttanna og sovésku endurskoðunarsinnanna um hann.

## Hvers vegna fjöldahreyfing?

14. tbl. Verkalyðsblaðsins gat að líta nokkrar spurningar til Kommúnistaflokksins vegna skrifta Stéttabaráttunnar um jafnréttismál og kvennahreyfingar. Um leið og Stéttabaráttan svarar spurningunum, vill hún nota tækifærið og skýra afstöðu sína til samfylkinga og kvennahreyfingar nokkuð nánar

Birtir Stéttabaráttan spurningar og svörin og fer þess á leit við Verkalyðsblaðið að það geri slíkt hið sama, en húsi ekki að koma svörum sem þeim berast á framfæri eins og þeir hafa nokkrum sinnum gert hingað til.

Er hér átt við þá sem kalla sig Rauðsokka, eða er átt við Rauðsokkahreyfinguna? Þeir eru margir sem kalla sig Rauðsokka og hafa svo mismunandi pólitík að ómögulegt er að taka afstöðu til þeirra sem hóps. Um Rauðsokkahreyfinguna er hins vegar þetta að segja: Við teljum Rauðsokkahreyfinguna meðal þeirra hreyfinga sem berjast fyrir hagsmunum alþýðunnar, í þessu tilviki jafnrétti. Ýmsa skoðanir eru í Rh um það á hvaða grundvelli beri að heyja þá baráttu og hvernig. Þó hefur þeirri afstöðu vaxið

fiskur um hrygg undanfarið og er nú afstaða hreyfingarinnar að heyja beri kvennabaráttuna á grundvelli stéttabaráttu. "Femínísk"afstaða eins og að líta á karlmanninn sem aðal andstæðing konunnar, eða að kynferðismál skipti öllu; er víkjandi innan Rh. Með starfi sínu innan Rh, hafa marx-lenínstar komist að raun um að þar er vissulega hægt að ná árangri. Sú afstöðubreyting sem undanfarið hefur orðið innan Rh, að líta á kúgun konunnar út frá stéttþjóðfélaginu er ekki síst til komin fyrir áhrif marx-lenínista.

Framhald á síðu 2